



## Universitätsbibliothek Paderborn

**D. Petri Chrysologi Archiepiscopi Ravennatis, viri  
eruditissimi atque sanctissimi, Sermones In Evangelia De  
Dominicis & festis aliquot solemnioribus totius anni,  
insignes & peruetusti**

**Petrus <Chrysologus>**

**Lvgdvni, 1623**

De eisdem, Sermo XCI.

[urn:nbn:de:hbz:466:1-50232](#)

*Psal. 115.* Credidi, propter quod locutus sum. Fratres, dat verbum fides: negat infidelitas verbum. Si nos ergo fratres, sicut dixi, sanctorum lapsus erigit, firmat trepidatio beatorum: nihil unquam Deo esse impossibile iudicemus, neque inquiramus quemadmodum facturus sit, quod promittit, cuius voluisse, fecisse est, cuius deditus, est promisus.

---

*De eisdem, Sermo XC I.*

*Luc. 1.* **A**vrum de terra legere qui nouerunt, vbi diuitem se ferint venam, ibi quicquid artis est, quicquid laboris impendunt: & nos quia in sancto Zacharia cælestem nouimus latere thesaurum, in ipso rotum quod sermonis est nostri, quod vestri auditus est, occupemus: quatenus commune lucrum fit, quod fuerit communī labore quæsitus. *Fuit, inquit, in diebus Herodis Regis Iudeæ sacerdos quidam nomine Zacharias, ex vice Abia.* Hoc iam diximus, *Et uxor eius de filiabus Aaron.* Sic coepit Euangelista, ut coniuge sacerdotis seruata sacerdotalis stemmatis generositas monstraretur. *Erant, inquit, ambo iusti ante Deum.* Ambo iusti, quia in ambobus erat una iustitia. *Ambo iusti.* Quia constabat inter eos non de diligentia, sed de sanctitate coniugium. *Ambo iusti.* Quia sexu disparates, pares meritis habebantur. *Ambo iusti.* Quia ut erat in duobus una caro, sic erat in duobus unus Spiritus. Immitentur coniuges, ut quos coniungit affectio, iungat & virtus. *Erant, inquit, iusti ambo ante Deum.* Ambo iusti ante Deum. Et vbi est illud. Non iustificabitur in conspectu tuo omnis uiens? Ante homines forte quis puretur iustus, quia homines ut culpas corporum norunt, sic vitia mentis ignorant: ante Deum vero, cui pectoris claustra patent, quem cogitationum secretæ non latent, quis innocens habetur,

*Psal. 142.*

betur, & iustus? Est ne homo qui corde non peccet, non cogitatione delinquit, non offendat dubitatio-

*Num. 20**Exod. 32.**Matt. 26.*

ne, non lapsum trepidationis incurrat? Moyses dubi-  
tu, Aaron deuiat, Petrus negat, & quis iustus? Et quo-

modo ambo iusti ante Deum? *Ante Deum*, sed sem-

per. *Ambo iusti apud Deum*. Non labore, sed gratia.

Audi Apostolum, Iustificati gratis per gratiam ipsius.

*Rom. 3.**Ephes. 2.**I. Cor. 4.*

Et iterum: Non ex vobis, Dei donum est; non ex ope-

ribus, ne quis glorietur. Et iterum, Quid habes quod

non acceperisti? si autem acceperisti, quid gloriaris, qua-

si non acceperis? Euangelista ergo sic refert, non quid

non habuerit, sed quid acceperit: non quid quæsi-

tum sit, sed quid donatum. Erant, inquit, ambo iusti ante

Deum, incidentes in omnibus mandatis & iustificationi-

bus Dei sine querela. Incidentes dixit, ut eos ostendere-

cet cucurisse virtutibus, non stetisse: & ambulasse

in via Iustitiae, non sedisse: nec remansisse in itine-

re mandatorum, sed ad mandatorum plenitudinem

peruenisse. *Incedentes in omnibus mandatis & iustifica-*

*tionibus Dei sine querela*. Beati fratres, quos culpa non

percudit, non vulnerat crimen: sed beatores isti, quos

retigit nec querela. *Sine querela*. Si pueritia, si adole-

scentia, si iuuentus, sine querela extitit, ubi tota

querela est, qualis horum senectus? Si tale initium,

qualis finis? Ascendisse iustificationum vertices, col-

les mandatorum, nec in aliquo titubasse, est gratiæ

singularis, est vnicæ fecicitatis insigne. *Et non erat, in-*

*quit, illis filius, è quod esset Elizabeth sterilis.* Non dixit

non erant illis filij, sed non erat illis filius, quia sin-

gularis futurus erat, qui erat de talibus nasciturus.

Audi Dominum dicentem, Non surrexit maior in

*Matt. 13.*

natis mulierum Ioanne Baptista. *È quod esset Elizabeth sterilis.* Sterilis corpore, sed fœcunda virtuti-

bus: tarda soboli, sed non tarda Deo: non germini

clausa, sed tempori: non negata pignori, sed seruata mysterio. *Et ambo, inquit, processerant in diebus suis.* Processerant: sic describitur sacramentum senectutis, quæ nondum decidit meritis, non ætate deficit, sed procedit: nec sentit detrimenta corporis, quæ sumit augmenta virtutis. Fratres, Elizabeth sanctæ partus non ablatus est, sed dilatus, donec transiret tempus carnis, passio corporis, coniugij necessitas, voluptatis causa, cupiditatis sensus, & totum quod humanum confundit, grauat, onerat conscientiam. Mundabatur enim longo tempore sacrificij domus, sanctitatis hospitium, meatus metatoris Christi, Angeli domicilium, aula Spiritus sancti,

*x. Cor. 3.* Dei templum. Nescitis, inquit Apostolus, quia templo Dei estis, & Spiritus Dei habitat in vobis? Denique ubi tota corporis sedata querela est, & in totum facti sunt sine querela, mox sterilitas fugit, reuiuiscit senectus, fides concipit, parit castitas, nascitur maior homine, par Angelis, tuba cœli, præco Christi, arcanum patris, filij nuncius, signifer superni Regis, peccatorum venia, Iudæorum correctione, vocatio Gentium, & ut propriè dicā legis & gratiæ fibula, quæ diploidem summi sacerdotis sancto patri iungebat in pectore. Euangelista ergo virtutes patris, matrisque describit, ut ex generatorum tantis meritis dignitas germinis nosceretur: & probaretur maior homine, qui in ortu suo excedebat legem nativitatis humanæ. Sed si processurus est, iam nascatur Ioannes, quia instat nativitas Christi: surgat nouus Lucifer, quia iubar iam veri Solis erumpit: det vocem præco, quia adest iudex: clamet tuba, quia venit Rex: & quia processurus est Deus, Angelus iam præcedat. Verum, quia quod supra homines est, homo referre non sufficit, virtutes nascentis Angeli Angelus iam loquatur. *Dixit Angelus ad Za-*

chariam, ne timeas Zacharia: exaudita est deprecatio tua, ecce Elizabeth uxor tua pariet tibi filium: & vocabis nomen eius Ioannem: & erit tibi gaudium & exultatio: & multi in nativitate eius gaudebunt: erit enim magnus coram Domino: & vinum & siceram non bibet: & Spiritu sancto replebitur adhuc ex utero matris sue, & multos filiorum Israël conuertet ad Dominum Deum ipsorum, & ipse præcedet ante illum in Spiritu & virtute Eliæ, ut conuertat corda patrum in filios, & incredulos ad prudentiam iustorum, parare Domino plebem perfectam. Vacat humanus sermo, si let prædicatio tractatoris, quando angelico præconio Ioannis profertur gloria, virtus insonat, laus collaudatur: nec est quod illi adiiciat homo, cui Deus contulit totum. *Spiritus sancto, inquit, replebitur adhuc ex utero matris sue.* Videatis quemadmodum Ioannes antè peruenit ad cœlum, quam tangeret terram: antè accepit diuinum Spiritum, quam haberet humanum: ante suscepit diuina munera, quam corporis membra: antè cœpit viuere Deo, quam sibi: immò antè vixit ille Deo, quam Deus viueret illi: iuxta illud Apostoli: *Viuo autem iam non ego, viuit vero in me Christus.* Sexto mense suæ matris exultat in utero, & in uterum Virginis venisse nunciat Christum. Feruens nuncius, qui ante gestiuit nunciare, quam viuere: impatiens dux, qui antequam perueniret ad corpus, peruenit ad Regem: ante rapuit arma, quam membra: ante aciem petiit, quam lucem: & ut vinceret mundum, vicit ante naturam, ipse sine vis. eribus viscera matris exuscitat: & quia tardabat corpus, solo spiritu implet euangelizantis officium. *Quid dicam, Ioannes antequam Christum præcederet, se præcessit, patris, matris, filij corda, unus atque idem implet Spiritus sanctus: ut uno sanctitatis organo resonet nativitatis dominicæ cantilena.*

X, 2

Nec

Nec mirum fratres , semper ortus regios honorat felicitas,dulcis gratificat symphonia. Et nos Fratres, natiuitatem Christi glorificemus canticis , honoremus muneribus:quia mentitur fidei, si quod facit Magnus, non facit Christianus.

---

*De eisdem, Sermo XCII.*

**S**ensim nos sermo Euangelicus ad altiora promovet , ad superna extollit. Nec mirum fratres , si Eliam currus ætherius euexit ad cœlum, cuin quotidie ista Euangeliorum quadrigis , hominum genus cœli perferat & transmittat ad regnum. Ecce iam nos ipsa fratres , de partu sterilis ad Virginis partum,& à Ioannis ortu , ad ortum nostri fecit proximos Salvatoris. Sed quod superest adhuc de Zacharia Pontifice patientius audiamus , vt ad cunabula nostri Regis regali itinere peruenire possimus:qui ob hoc cœlestis quadrigæ fidam concendimus sessionem,vt solicitas & arduas compēdiorum semitas vitaremus. Sic enim lectum est: *Et factum est ut impleti sunt dies officij eius, abiit in domum suam.* Ita vni templo astabat tribus tota:parebant milia sacerdotum, propter quod ipsa observatio Pontificalis officij erat diuisa per plurimos, dispensata per tempora , distributa per vices , ne aut ordinem sacerdotij multitudo confusa turbaret : aut alter legēdo iugiter alteri debitum negaret officium. *Post hæc autem Elizabeth uxor eius.* Erat illis coniugij facultas , erat illis licentia donata generandi , quibus inerat adhuc legis adolescentia, instabat adhuc religionis infantia. Lex fratres , illicita prohibuit, licita non negauit : intra donum tenuit , supra donum conferre nil potuit : naturam rexit , supra naturam hominem non erexit. Lex fidei ianua , gratiae nuncia , Euangelij præuia , paedagogus religionis infantia,

4. Reg.